

@@@AGINDUA, 2011ko ekainaren 20koa, Hezkuntza, Unibertsitate eta Ikerketako sailburuarena, Irungo (Gipuzkoa) «El Pilar-Compañía de María» Haur, Lehen eta Bigarren Hezkuntzako ikastetxe pribatuaren baimena aldatzeko dena.@@@

Irungo (Gipuzkoa) «El Pilar-Compañía de María» Haur, Lehen eta Bigarren Hezkuntzako ikastetxe pribatuaren erakunde titularraren ordezkariak abiarazi duen espedientea aztertu da. Espediente horretan, Haur Hezkuntzako 1. zikloko baimena aldatzeko eskatzen da, urtebetetik beherako haurrentzako bi unitate bi urtetik hirura arteko haurrentzako bi unitate bihurtu nahi baitira.

Espediente hori Gipuzkoako Hezkuntza Ordezkaritzak izapidetu du, arauak eskatzen dituzten agiriak erantsi zaizkio, eta arlo horretan eskumena duten erakundeek hari buruzko txostena eman dute.

Arau hauek hartu dira kontuan: 332/1992 Errege Dekretua, apirilaren 3koa, araubide orokorreko unibertsitateaz kanpoko irakaskuntzak eskaintzeko baimenak ikastetxe pribatuei emateari buruzkoa (1992ko apirilaren 9ko BOE); 215/2004 Dekretua, azaroaren 16koa, 0 eta 3 urte bitarteko umeentzako haur-eskolek bete beharreko gutxieneko baldintzak ezarri, eta abenduaren 17ko 297/2002 Dekretuaren artikulua batzuk indarrean iraunarazten dituen (azken dekretu horrek EuskalAutonomia Erkidegoko zero urtetik hiru urtera bitarteko umeen haur-eskolak arautu zituen 2002-2003 eta 2003-2004 ikasturteetan) (2004ko azaroaren 19ko EHAA); eta gai horretan aplikatzekoak diren gainerako arauak. Horiek horrela, hau

EBAZTEN DUT:

1. artikulua.- 2011-2012 ikasturtetik aurrera, jarraian zehazten den ikastetxe pribatuaren baimena aldatzen da, Haur Hezkuntzako Lehen Zikloan:

Kode-zenbakia: 20002037

Izen espezifikoa: «El Pilar-Compañía de María»

Titularra: Compañía de María.

Helbidea: Aranzateko Jauna 1.

Udalerrria: Irun.

Lurralde historikoa: Gipuzkoa.

Baimena: urtebetetik beherako haurrentzako bi unitate bi urtetik hirura arteko haurrentzako bi unitate bihurtzea.

Ikastetxearen osaera:

- Haur Hezkuntzako 1. zikloa: 4 unitate. Edukiera:

. Unitate 1, urtebetetik bi urtera bitarteko ikasleentzat; 13 ikaspostu.

. 3 unitate, bi urtetik hirura arteko ikasleentzat; unitate bakoitza, hurrenez hurren, 16, 17 eta 18 ikaspostukoa, ikasgelen azalera kontuan hartuz eta ikaspostu bakoitzeko 2 metro koadroren baldintza aplikatuz.

- Haur Hezkuntzako 2. zikloa: 6 unitate, 150 ikaspostu.

- Lehen Hezkuntza: 12 unitate, 300 ikaspostu.
- Derrigorrezko Bigarren Hezkuntza: 8 unitate, 240 ikaspostu.
- Hezkuntza Berezia: 2 unitate.

2. artikulua.- Indarrean dauden arauak betetzera behartuta dago ikastetxea, agindu honen bidez baimendutako unitateetako irakasleen titulazio akademikoari eta hizkuntza-eskakizunari dagokienez. Bestela, baliogabetu egingo da emandako baimena.

3. artikulua.- Martxoaren 17ko 314/2006 Errege Dekretuaren bidez onartutako Eraikingintzaren Kode Teknikoa bete beharko du ikastetxeak, bai eta indarreko legeriak ezartzen dituen higie-, osasun-, akustika-, bizigarritasun-, segurtasun- eta irisgarritasun-baldintzak ere. Ikastetxeko titularrarena izango da baldintza horiek ez betetzearen erantzukizuna.

AZKEN XEDAPENAK

Lehenengoa.- Agindu honetan dagoen baimen-emateak ez du esan nahi hezkuntza-itunen araubidearen edo diru-laguntza deialdien bitartez laguntzarik lortuko denik.

Bigarrena.- Agindu honen aurka, aukerako berraztertze-errekurtsoa aurkez dakiok Hezkuntza, Unibertsitate eta Ikerketako sailburuari, hilabeteko epean, agindua Euskal Herriko Agintaritzaren Aldizkarian argitaratu eta biharamunetik aurrera; bestela, administrazioarekiko auzi-errekurtsoa aurkez daiteke Euskal Autonomia Erkidegoko Auzitegi Nagusian, bi hilabeteko epean, agindua Euskal Herriko Agintaritzaren Aldizkarian argitaratu eta biharamunetik aurrera.

Vitoria-Gasteiz, 2011ko uztailaren 20a.

Hezkuntza, Unibertsitate eta Ikerketako sailburua,
MARÍA ISABEL CELAÁ DIÉGUEZ.